

「國家社會科學基金重大項目」

何建明 主編

中國地方志
佛道教文獻匯纂

人物卷

(23)

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（23）



國家圖書館出版社

中國地方志佛道教文獻匯纂·人物卷

江蘇省 揚州市

儀真縣志

清·胡崇倫修 陳邦楨等纂 馬章玉增修

清康熙七年（一六六八）刻

三十二年（一六九三）增修刻本

仙釋列傳

神異
雜果

漢

神異

朱黃廣陵鄉人嘗病毒瘕遇稚山道士阮丘謂之

曰卿腹中有三尸若除之可授以真人之業黃拜

謝乞爲丘僕乃與藥七杓使日食九九不數旬病

下如肝脾者數斗心意開朗身益肥健繼又授以

黃庭內景經教以日誦三過後遂同入浮陽山經

八十餘年復見故處白髮盡黑至武帝末猶存

晉

神異 老姥初不測其始末元帝時嘗日携一茗器往而人競買之自旦至夕雖買者無算而器殊不減暮欲歸輒散置道旁聽人自取携之州法曹以爲妖拘諸獄中至夜老姥携茗器自獄中飛出不知所之

南宋

慧竺 竺惠慶廣陵人育德果行通諸秘典元嘉十二年制楊大水惠慶將入廬山忽遇風舟幾覆慶端

生自如及達岸沙際之人遙見其舟迎風截流如
數十人牽挽保護之者以是知爲聖僧云

唐

慧靈識和尚天水人俗姓趙生而聰穎弱不好弄十
五削髮二十受具既悟真乘趺坐一床身不偃卧
貞元十六年示寂于江陽向壽寺博陵崔膺述塔
銘曰雲生虛空行無所止偶過爲雨施澤則已羣
生既蘇昏醉醒起乃順大化反真太始點化黎烝
哀傾都市人妄悲傷我無生死示身于世如漚浮

水起滅相尋天壽一矣塔開九原法流于祀後人
聞風仰德于此

神李珏江陽人以販糴爲業取其息以爲父母資遇
糴者授以升斗使自量無他異人亦不能窺其蘊
後丞相李珣鎮淮南夢入洞府見石壁聖書內有
李珣名字殊自喜意二仙童出曰此江陽部民李
珣非丞相李珣也寤後隨訪得之年數百歲貌色
如童

神建生唐大曆間嘗受法于四祖稱七省高僧中

第一人付法初師有逢巖即止之語後行教至巖山頓悟前語因建道場號靈巖寺復更法義禪院貞元八年下寂其徒以肉身就加塑飾生氣如然武宗會昌中汰天下浮屠教諸僧遂移其身小帆山出佛洞中宋元符崇寧朝兩賜師號爲虛大聖遇水旱禱輒應

楚神堅唐懿宗咸通中住橫山禪證寺戒律精嚴金剛上乘黃巢兵亂入寺中堅趺坐自若以刃加之卒不動羣盜悚顧相率膜拜而去郊滂懷古

卷之六

下

有曰巨盜黃巢鋒刃刺神堅終不下僧床

建泗州僧其名不傳景龍中白泗州卓錫于此道行
精嚴具大法眼嘗于澄江橋建永和庵以居觀邑
中山川風會謂當得浮屠鎮之乃于庵旁建浮屠
七級宋蘇子瞻寫經楞伽庵卽其地也紹興中更
號天寧萬壽禪寺其後經亂寺塔俱燬明洪武初
復建塔下塑僧像誌第一開山

宋

禮秀鐵面元豐間僧人矢願宏深博通梵典合州人

無上下皆敬禮之嘗創法雲寺以自寓山谷法雲
旌銘謂秀公禪師第一祖以鐵而在法雲爲開山
也

慧
果
慈愛初住法雲寺後爲資福寺開山猛力精進得
禪宗三昧宣和中召至京師住慧林寺徽宗嘗與
之說法內庭紹興初退居吳門尋卒焚化之日
氣所到舍利滿室

神
異
楊希真字元道生建中靖國初六歲始能言自
知敬祀四聖真君傳一夕夢神人自稱北方天

上師呼真而語曰子誠敬固可憫然尸濁非換骨
不可授以丹書願相期于華陽仙府自此遂洗心
疾狂走失所在宣和中入華陽洞不返明年自洞
出比還鄉隣人詰之真曰昔非狂也爲求法耳今
已得真受童初大法可以度世會徽宗索異人希
真進九靈玉嬰神變等經及靈虛秘旨特授丹臺
郎冲和妙一法師年二十四尸解去童初之法遂
顯于世

李惠先生有儀真不知何許人亦不知其姓氏有

傳其自潯陽聖壽觀來者然究不可考也嘗自謂
得真牧先生道術時中末儀數被兵人多染疫癘
先生以所傳道法治之無不驗士民敬慕共建福
宇祀之其徒雷希復傳其道

元

神異李道純字元素都梁人號瑩蟾子亦曰清菴住長
生觀遇異人指授得道飛昇故又號其觀曰昇仙
所著有中和集六卷道德經註一卷號所居因中
和菴作中和圖說

神異 雷希復九江人得其師之道法施教儀其人皆德
之至大間卽孚惠先生祠朔通真觀于白沙江灣
會武宗于揚州建元妙觀降璽書護持詔希復爲
提點賜號凝和冲妙崇正法師

明

文彬故鳳陽皇覺寺僧與明太祖師高彬爲同衣

兄弟太祖雖祝髮頗不檢嘗挫折于其師文彬多
方調護之及羣盜起天下亂太祖偶義起與守臣
緝知其故就寺追攝時高彬已死寺衆散走文彬

亦携鉢出遊道迹雲水間越數年太祖定鼎金甌
念彬在寺調護恩降詔求之又數年始得于儀真
僧舍璽書敦請數以疾辭詔建地藏禪寺居之太
祖親臨賜紫衣金鉢及卒諭祭賜地以葬

論曰凡人皆人也惟無媿其所以爲人者斯可以
人命之故人之出處雖不一轍文武雖不一途忠
貞孝義雖不一節寓良閨秀奇術名震雖不一格
皆可以人物繫之若曰如是而爲人不如是不可
以爲人是人物之志傳其人卽所以顯其不克爲

人者也。僕其舊稱名域代不乏人。上自秦漢歷宋元明以至

昭代其間足以顯當時風後世者實繁夥矣。今志寧簡而核其華而浮不其嚴乎。曰非嚴名所麗者崇其實美所萃者擇其尤是故傳顯仕不徒以位也要必有藝奕之猷傳名儒不僅以文也要必有體究之實行曰篤功曰武道貴積躬矣而才取戡定俠曰義隱曰逸風期豪邁矣而處尚守貞至若蠲輸布惠技術流聲節烈標芳英賢過化蒐羅欲盡

而考核必精闡發不遺而直書無譽豈有他哉惟
焉爾審焉爾惟慎惟審庶幾其事信其人愈足傳
後之人起而聞其事者能不慕其爲人且媿乎不
若是人也哉若夫生者不傳所以遠嫌也彰美而
不著惡所以示勸也君子而上下古今可以人鑑
矣

懷慶縣志卷之九